

444/25  
432/25

5076.

Bosna i Hercegovina  
Federacija Bosne i Hercegovine  
Zeničko-dobojski kanton  
GRAD ZENICA

Služba za socijalnu zaštitu, stambene poslove i društvene djelatnosti  
Trg BiH 6 - 72 000 Zenica

Broj: 07-04-8892/25  
Zenica: 23.05.2025. godine

12  
12

**STRUČNA SLUŽBA GRADSKOG VIJEĆA**

**PREDMET: Stav Službe, Izvještaj o radu JU „Predškolski odgoj i obrazovanje Zenica“ za 2024. godinu; dostavlja se;**

JU „Predškolski odgoj i obrazovanje Zenica“ je organizovana kao cjelina u kojoj se odvija odgojno-obrazovni program.

JU „Predškolski odgoj i obrazovanje Zenica“ vrši javnu funkciju od posebnog društvenog značaja a bavi se odgojem, obrazovanjem, njegom i zaštitom djece od šest mjeseci do polaska u osnovnu školu, i smatra se početnim stepenom jedinstvenog sistema odgoja i obrazovanja koji se ostvaruje kroz programe sa utvrđenom zajedničkom jezgrom na području ZDK, a regulisan je Zakonom o predškolskom odgoju i obrazovanju.

Ukupan broj zaposlenih u Ustanovi na kraju 2024. godine je 67 zaposlenika, od čega su 4 zaposlenika angažovana na određeno vrijeme.

Prosječan broj djece u 2024. godini iznosio je 441. U Ustanovi je u periodu mart-maj 2024. godine realizovan **Program obaveznog predškolskog odgoja i obrazovanja** (180 sati) za djecu u godini pred polazak u osnovnu školu, kojim je bilo obuhvaćeno 451 dijete iz većine mjesnih zajednica.

U 2024. godini nije bilo radova na objektima. U saradnji sa Vijećem roditelja rekonstruisana je jedna soba u vrtiću „Pčelica“ i jedan dio fasade vrtića „Radost“.

Uvidom sanitarne inspekcije može se konstatovati da je nivo higijene u svim objektima bio na zadovoljavajućem nivou. Prema zakonskim odredbama, redovno jedanput mjesečno nadležna zdravstvena služba (JU Institut za zdravlje i sigurnost hrane), obavljala je kontrolu namirnica i spravljenih obroka (mikrobiološka analiza) i konstatovala ispravnost istih. Preventivna zdravstvena zaštita je realizovana tokom godine: ljekarsko uvjerenje za djecu pri upisu, sanitarni nalazi zaposlenika, sistematski pregled, redovne deratizacije i dezinsekcije objekata i opreme, elementarna edukacija o zdravstvenoj kulturi djece kroz odgojno-obrazovne oblasti i svakodnevno održavanje kvalitetnih higijenskih uslova.

Svaki vrtić u Ustanovi posjeduje kuhinju, prostor za odlaganje hrane i trpezariju. U kuhinjama rade kvalifikovane kuharice i svakodnevno pripremaju hranu. Obroci su pripremani u skladu sa normativima.

Obroci za djecu pripremljeni su po načelu zdrave ishrane “Zdravo jedi, zdravo rasti“. Hrana i prehrambeni proizvodi se nabavljaju od provjerenih dobavljača, po osnovu raspisanih tendera. Kuharice obavljaju sanitarni pregled svakih šest mjeseci, a sanitarni minimum svake četiri godine u JU „Dom zdravlja“ Zenica.

Kroz projekat “Smanjenje faktora rizika za zdravlje stanovništva BiH”, „Bravo za zdravo“, podržanog od Federalnog ministarstva zdravstva i Svjetske banke napravljena je Prehrambena politika kojom su precizirani ciljevi ishrane predškolske djece i kreiran je novi jelovnik.

Tokom školske 2023/2024 na nivou Ustanove logopedski tretman koristilo je ukupno 65 djece. Djeca koja su imala odstupanja u skladu s normama nisu bila uključena na tretman. Ukupan broj djece je bio varijabilan, upisi i ispisi su bili aktualni tokom čitave godine. Veći broj upisa i ove godine bio je nakon sistematskih pregleda djece pred polazak u školu. Realizacija logopedskih tretmana odvijala se grupno i individualno prema sedmičnom rasporedu.

Obavezni opći i grupni roditeljski sastanci, radionice i aktivnosti za roditelje realizovani su u skladu sa Godišnjim planom i programom tokom godine s ciljem jačanja roditeljskih kompetencija i izgradnje kvalitetnih partnerskih odnosa.

Roditelji su formirali Vijeće roditelja u svakom vrtiću, a na nivou Ustanove Vijeće roditelja koje se sastaje po potrebi, na inicijativu roditelja, rukovodioca vrtića ili direktora, a u skladu sa potrebama.

U suradnji sa predsjednikom Vijeća roditelja i Radio Zenitom pokrenuta je inicijativa za klimatizaciju pet vrtića. Kroz ovu aktivnost nabavljeno je 16 inverter klima u vrijednosti od **16.295,01 KM**. Klime su postavljene u sve vrtiće u skladu sa njihovim potrebama.

Po pozivu Fondacije DVA i škole letenja ATO Fly DVA organizovan je izlet u Kreševo za djecu i roditelje vrtića „Pčelica“ i „Dunja“.

U decembru je organizovan odlazak 40 djece i roditelja na „Mali šlager“ u Sarajevu. Godišnjim planom rada većina aktivnosti planiranih u 2023/2024. pedagoškoj godini bila je u suradnji s roditeljima.

Ostvareni višak rashoda nad prihodima za period 01.01.-31.12.2024. godine iznosi **7.990,00 KM**.

Revizija skreće pažnju da je Ustanova u prethodnim godinama vršila nabavku stalnih sredstava za koju nema izvora sredstava.

Zajedno sa ostvarenim gubitkom Ustanova konstatuje kako joj nedostaje **161.620,00 KM**.

U 2024.godini JU „Predškolski odgoj i obrazovanje Zenica“ prvi put **nije** dobila saglasnost Ministarstva za obrazovanje, nauku, kulturu i sport ZDK, te su radili bez usvojenog Godišnjeg plana, a na osnovu plana za 2023.godinu. Razlog tome je neusklađenost sa Pedagoškim standardima i normativima za pedagoški odgoj ZDK, koji je direktno vezan za višak medicinskog osoblja.

Direktorici JU „Predškolski odgoj i obrazovanje Zenica“, Jasmini Gasal istekao je mandat te je Konkursnom procedurom, a nakon Saglasnosti Csnivača broj: 02-45-1203/24 od 17.01.2024. godine, Upravni odbor JU „Predškolski odgoj i obrazovanje Zenica“ donio Odluku broj: 06-0602-59/1-2024 od 19.01.2024. godine o imenovanju Naire Jusufović za direktoricu JU „Predškolski odgoj i obrazovanje Zenica“.

Direktorica Naira Jusufović razriješena je dužnosti direktora JU „Predškolski odgoj i obrazovanje Zenica“ prije isteka mandata Odlukom privremenog Upravnog odbora broj: 06-0602-1167/1-2024 od 18.12.2024. godine.

Odlukom o imenovanju vršioca dužnosti direktora JU „Predškolski odgoj i obrazovanje Zenica“ broj: 06-0602-1168/1-2024 od 18.12.2024. godine, do okončanja konkursne procedure imenovana je Jasmina Gasal.

Odlukom o ocjeni rada direktora JU „Predškolski odgoj i obrazovanje Zenica“ direktor se ocjenjuje sa „ne zadovoljava“.

Cijeneći sve navedeno, a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Predškolski odgoj i obrazovanje Zenica“ za 2024. godinu na razmatranje.

**PRILOG:**


- Izvještaj o radu JU " Predškolski odgoj i obrazovanje Zenica“ za 2024.godinu
- Odluka UO o usvajanju Izvještaja o radu JU " Predškolski odgoj i obrazovanje Zenica“ za 2024.godinu
- Finansijski izvještaj za 2024. godinu i izvještaj Nezavisnog revizora;
- Odluka o ocjeni rada direktora za 2024. godinu;

**DOSTAVLJENO:**

1 x Naslov  
1 x a/a



**POMOĆNIK GRADONAČELNIKA**

  
Sumea Mujkanović